

Javna ustanova Osnovna Škola „Mirsad Prnjavorac“, ul. Jošanička br. 51, 71320 Vogošća (u daljnjem tekstu: Naručilac) koju zastupa direktorica Sabiha Salčin, i

„VATROSISTEMI d.o.o.“, Sarajevo, Safeta Zajke br. 115, 71000 Sarajevo (u daljnjem tekstu: Izvršilac), koje zastupa direktor Berin Mesihović,

Na osnovu provedenog postupka za dodjelu ugovora putem direktnog sporazuma za nabavku usluga zaštite od požara u skladu sa članom 90. Zakona o javnim nabavkama BiH (“Službeni glasnik BiH” broj: 39/14), Pravilnika o direktnom sporazumu JU OŠ “Mirsad Prnjavorac” Vogošća i Odluke o dodjeli ugovora broj: 01-499-1/2018 od 25.04.2018. godine, gore navedena pravna lica zaključuju:

## UGOVOR

### o pružanju usluga zaštite od požara

#### PREDMET UGOVORA

##### Član 1.

Temeljem ovog Ugovora Izvršilac se obavezuje Naručiocu pružiti usluge:

1. periodični pregled aparata za početno gašenje požara (svakih 6 mjeseci)
2. ispitivanje ispravnosti i funkcionalnosti hidrantske mreže (svakih 6 mjeseci) i
3. kontrolni pregled aparata za početno gašenje požara (svakih 6 mjeseci)

#### CIJENA

##### Član 2.

Za vršenje usluga iz prethodnog člana dostavljena je ponuda br: 508-K-04/18 od 16.04.2018. godine koja je sastavni dio ovog Ugovora i koja sadrži vrstu poslova i cijene za svaku od navedenih usluga.

Br.	Opis usluge	Jed.mjere	količina	Cijena	Ukupno:
1.	periodični pregled aparata za početno gašenje požara	Kom	31	8,00	248,00
2.	ispitivanje ispravnosti i funkcionalnosti hidrantske mreže	Kom	23	4,27	98,21
3.	kontrolni pregled aparata za početno gašenje požara	Kom	15	10,00	150,00

Ukupna cijena za navedene usluge iznosi: 496,21 bez PDV-a, a 580,57 sa PDV-om.

#### NAČIN PLAĆANJA

##### Član 3.

Izvršilac se obavezuje Naručiocu ispostaviti račune za izvršene usluge nakon završetka svake usluge i predaje dokumentacije za istu.

Plaćanje će se vršiti na osnovu ispostavljenog original računa Izvršioca usluga.

Naručilac će izvršiti isplatu na ispravno izdat račun u skladu sa odredbama člana 2. i 3. ovog Ugovora u roku od 15 dana od dana ispostavljanja fakture i to na broj žiro računa banke Izvršitelja.

## TRAJANJE I DINAMIKA IZVRŠENJA USLUGA

### Član 4.

Ugovor stupa na snagu danom potpisivanja a važi do 31.12.2018. godine.

Izvršilac će tokom važenja Ugovora vršiti uslugu shodno dinamici koju će određivati Naručilac.

## MJESTO VRŠENJA USLUGA

### Član 5.

Usluge koje su predmet ovog ugovora izvršavat će se na lokaciji Naručioca JU OŠ "Mirsad Prnjavorac" na adresi Jošanička 51, Vogošća.

## OBAVEZE NARUČIOCA

### Član 6.

Naručilac se obavezuje Izvršiocu omogućiti pristup lokacijama na kojima će se obavljati ugovorene usluge.

Naručilac je dužan blagovremeno uputiti prigovore Izvršiocu usluga na njegove propuste ako iste eventualno učini prilikom izvršenja usluga.

Naručilac ne odgovara za radnike Izvršioca usluga, mehanizaciju, alat i opremu.

Naručilac će koordinirati rad Izvršioca usluga u slučajevima kada Izvršilac konstatuje kvar na nekom od sistema aktivne zaštite i nije u mogućnosti izdati pozitivan zapisnik (atest).

## OBAVEZE IZVRŠIOCA USLUGA

### Član 7.

Izvršilac je obavezan blagovremeno izvršavati sve usluge u zakonskim i ugovorenim rokovima navedenim u članu 1. ovog Ugovora i voditi evidenciju o istim te na vrijeme pismeno obavijestiti Naručioca usluga o roku i vremenu izvršenja usluga.

Usluge izvršavati kao specijalizovana firma za ovu vrstu usluga u skladu sa Ugovorom i njegovim sastavnim dijelovima, važećim propisima, standardima, tehničkim normativima i pravilima struke.

Za svaku obavljenu uslugu u školi Izvršilac je obavezan dostaviti zapisnik (atest) o izvršenom pregledu.

Za vršenje usluga Izvršilac je dužan osigurati svu potrebnu opremu, alat i sve ostalo što je neophodno za uspješno i sigurno izvršenje ugovorenih usluga.

## IZJAVA O KVALITETI IZVRŠENIH USLUGA

### Član 8.

izvršilac ovom odredbom Ugovora izjavljuje da garantuje o kvalitetu pruženih usluga koje su predmet ovog Ugovora.

## RASKID UGOVORA

### Član 9.

Svaka ugovorna strana zadržava pravo da raskine ovaj Ugovor ukoliko druga ugovorna strana krši odredbe ovog Ugovora odnosno ne izvršava preuzete ugovorne obaveze na način i u rokovima utvrđenim ovim Ugovorom, a navedene propuste ne otkloni niti u naknadno primjerenom roku koji joj za to ostavi druga strana

## RJEŠAVANJE SPOROVA

### Član 10.

Sva pitanja u vezi sa pravima i obavezama iz ovog Ugovora ugovorne strane će rješavati sporazumno i u duhu dobrih poslovnih običaja.

Ukoliko se nastali sporovi i nesuglasice ne mogu riješiti međusobno, nadležan je Općinski sud u Sarajevu.

## IZMJENE I DOPUNE UGOVORA

### Član 11.


Ugovor se može mijenjati i dopunjavati samo uz saglasnost objiju ugovorenih strana.

## ZAVRŠNE ODREDBE

### Član 12.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Ugovor stupa na snagu danom njegovog potpisivanja od strane ovlaštenih predstavnika ugovornih strana.



Broj: 04-01-576/18

Datum: 04.05.2018.

